

ضوء القمر

شعر

درويش مرسي العبيدي



بطاقة فهرسة

حقوق الطبع محفوظة

مكتبة جزيرة الورد

اسم الكتاب : ضوء القمر (شعر)

المؤلف : درويش مرسى العبيدي

رقم الإيداع :

الترقيم الدولي :

الجمعية المصرية لرعاية المواهب

43 ش محمد الطواهري - شبرا

محطة مترو سانت تريزا - شبرا مصر - القاهرة

ت: 01016361550

الطبعة الأولى 2019



مكتبة جزيرة الورد

القاهرة : ميدان حليم خلف بنك فيصل
ش ١٦ يوليو من ميدان الأوبرا ت : ٠١٠٠٠٤٠٤٦ - ٢٧٨٧٧٧١

ضوء القمر

راسمك

راسمك يا قمر

بستان

فيه الزهور والورود

ألوان راسمك فرح فيه المعازيم

والعيله

ومصاييح بألوانها

الجميلة

وراسمك شجر وفوقه

عصافير

واقفة بتطير

وراسملك سما والقمر ماليها

بالنور

وراسملك سفن ومراكب بتشق نيل

وبحور

وراسملك وراسملك وراسملك

أقوال

يقول الشاعر عبدالرحمن شكري

(رأيت في النوم أني رهن مظلمة

من المقابر ميتاً حوله الرّمم)

وأنا أقول رأيت قوماً من الناس جميلة الثياب عالية العِمَمِ

يسارعون ويتصارعون في أكل الرّممِ

صيد عصافير

بدل اللحمة وبدل الفرخه

صيد عصافير

وادبح وريش واقلي

في الزيت

يمكن يافقري تقدر تسعد ولادك

والفرحة تعبى البيت

يمكن بكره يطلعلك جناحين تقدر بيهم

من الظلم تطير

وتحط على شجر والّا سنابل قمح فيهم خير

وأكل كتير

من غير ما تدفع حساب فواتير

بدل اللحمة وبدل الفرخة

صيد عصافير

بالأمس يا عراق

بالأمس قالوا عنك

ملاك

واليوم حكموا عليك ليه

بالهلاك

الحكم كان صعب

وقاسي

ولا حد ليكي يا عراق

بيواسي

أهي شوارعك بالدم صارت

زي

دجلة والفرات

لما انقتل الطفل والشيخ

ومن الشباب

مئات

الفتنة رحاية دارت في كل شارع

ودارت تقتل وتهدم في طريقها

كل عمار

والزرع الاخضر نار

الفتنة حرقت عيدانه

وخير أرضك ياعراق خدوا العدو

وداه مكانه

الفتنة جدورها طالت

في أرضك

نفسي ألقاك اليوم بالنصر

فرحانة

واندفت أحزانك

آه يا دنيا يادنيا آه

آه يا دنيا

يا دنيا آه

ومعاها كمان آه

الضربة اللي وجعتني فيكي

يادنيا

ماكانتش من الغريب

الضربة دي

يا دنيا كانت من القريب

آه يا دنيا يادنيا آه

ومعاها كمان آه

دول القرايب

يادنيا

الي كنت بخاف عليهم

من الي حوالهم

اتاريهم يادنيا يلعبوا على

بالي حوالهم

آه يا دنيا ويادنيا آه

وكم ان معاها آه

دول القرايب يادنيا

الي قلوبهم

بالسواد منقوشة

والضحكة الي كانت على

الوشوش

ضحكة طلعت مغشوشة

آه يادنيا يادنيا آه

ومعاها كمان آه

لا فيكي راحم أخوه

ولا ابن طايح بس أبوه

الكل فيكي يادنيا بياكل

في بعضه

آه يادنيا يادنيا آه

ومعاها كمان آه

آه يا دنيا يادنيا

يا قلابه

محدث عايش فيكي

مرتاح

حتى ملك الغابة

آه يادنيا يادنيا آه

ومعها كمان اه

آآآآآ آه يادنيا

القلم

اكتب يا قلم وقول

البلد إيه الي حصل فيها

مين يا قلم الشريف

الي خايف عليها

ومين يا قلم نفسه

يحصل خراب ودمار

يارب ياللي ذكرتها في كتابك

أنصرها علي كل من

يعاديها

واحمي يارب كل

المخلصين فيها

وعجبي

أيها الأموات

أيها الاموات

أيها الأموات لاتعودوا للعنينا

الظلم والقتل انتشر

وليه تعودوا للعنينا

عشان تظلموا

والا تقتلوا والا تقتلوا البشر

احسبها

احسبها زي ما تحسبها

مصر هتفضل فوق

مش هتقدر انت ولا غيرك تكسرها

ولا تغلبها

الي مديته بالفلوس

عميته

وقت الشدة هتلاقي الكل

واقف لك وبشدة

مهما تخطط مهما تطبل

إنت سوسة طالعة بره

بكرة الكل عليك

هيخطط

والطبل على رأسك

راح يدور ومتظبط

احسبها زي ما تحسبها

مصر هتفضل

فوق

مش هتقدر إنت ولا غيرك تكسرهما

ولا تغلبها

اغرس

اغرس يا ابن مصر في قلبك

حبها

وظلل عليها بظلال الحب

والفضيلة

وانزع يا ابنها في سرعه

من قلبك

شجرة الشر بغصونها

الشايكه

وكون قدام عدوها كالصخر

ف صلابته

إذا نزل عليه البرد وحبة مطر

ما يتأثر

العدو يا ابنها ما يرمى موتى

بس يرمى الاسود المرعبه

يا ابني خليك معاها

نار ونار تحمي أرضها

القاسي القلب

أيها القاسي القلب

أما آن لك أن تحبَّ

من أحبوك؟؟

وعلى الاكتافِ حملوك

ولاعبوك حتى أضحكوك

أيها القاسي القلب

أما آن لك أن

تحنَّ وتلينَ

لأم حَمَلَتَكَ وأَرْضَعَتَكَ

وسهرت من أجلك الليالي

أكل هذا من أجل امرأة

خليلة كانت أم زوجة

أم من أجل مالٍ زائلٍ

أم هي وسوسةُ الخناس

أيها القاسي القلب

أما آن لك أن تحب

من أحبوك؟؟

يا قدس ما تحزنيش

يا قدس ما تحزنيش

مسير الضحكة ترجع

والظلم مهما طال

مسير الحق يرجع

يا قدس نامت عنك الضماير

يا قدس قلبي والله على عدوك ثاير

يا قدس بكرة صلاح

يرجعلك ويرجع لك الضحكة

وتهل البشاير

يا قدس ما تحزنيش

يا أقصى

لن أنساك يا أقصى

ولن أنسى من هواك

والله الذي أسرى بمحمد

إني أهواك وأهوى من بناك

يا أقصى مش حانسي اللي مات

شهيد نصرتك

ولحماك ■ ■

يا أقصى انا مش زي اللي من ورا

الظهر رماك

أد أيه اتمنيت من يوم ما عرفتك

أجيلك واقبل جدرانك

وحصاك

الرحمة والسلام

مش أمر دينك ولا رسولك

ياللي قتلت ناس بتصلي

دينك رحمة وسلام

ورسولك مرسل رحمة وسلام

انت إيه بس دينك

ربك اللي خلقنا وخلق الكون

حرم في قرآنه وفي كل كتاب أرسله

قتل النفس البريئة

قل لنا انت إيه قرآنك

وإيه كتابك
لا رسول من رسله قتل أتباعه
قل لنا انت مين رسولك
مش امر دينك ولا رسولك
ياللي قتلت ناس بتصلي
دينك رحمة وسلام ورسولك
مرسل رحمة وسلام
انت إيه بس دينك
مش أمر دينك ولا رسولك
رسولنا قال لنا
مقتلوش الشيخ الكبير
ولا الطفل الصغير
قل لنا أمرك بايه انت رسولك

مش أمر دينك

ياللي قتلت ناس بتصلي

دينك رحمة وسلام

ورسولك مرسل رحمة وسلام

انت إيه بس دينك

قل لنا ياللي انت بتعبد ربنا

ايه ذنب طفل يموت

رايح يصلي لربنا

مش أمر دينك ولا رسولك

ياللي قتلت ناس بتصلي

دينك رحمة وسلام

ورسولك مرسل رحمة وسلام

ربك قال في قرآنه عمّر دار

مقالش احرق واقتل واهدم دار

مش أمر دينك ولا رسولك

دينك رحمة وسلام ورسولك

مرسل رحمة وسلام

انت إيه بس دينك

مش أمر دين

اسأل تراب رجلك

اسأل تراب رجلك

كنت فاكرك وطني

وشريف

أتاريك خاين ومش

نضيف

كنت فاكرك عندك

شهامة

أتاري الخيانة والغدر

عندك ياما

أتاريك واخذ

دكتوراه

ووسام فى الخيانة من الطبقة

الأولى

كنت فاكرك راجل

بتصلح

أتاريك بتقطع فى الأرحام

وعمايلك خلاص

فاحت وبقيت فى البلاد

تفضح

كنت فاكرك حاجة

كبيرة

طلعت مليون حاجة

حقيرة

خاين والخيانة

ماليه هدومك

وان كنت أنا في

كلامي كذاب

اسأل تراب

رجليك

حدثيهم

حدثيهم واخبريهم يا أم

العرب

عن تاريخك عن حضارتك

عن شهامتك

وعن ولادك الى شايلىن على

الأكتاف حملك

وصايين كرامتك

يا رب قد ماتت فى البيوت مواشىنا
أهذا عيب فى الزروع أم ذنوب كثرت فىنا



اشيل همك

اشيل يا بلد

همك

وانت ليه مش شايلة

همي

وافتكرك دايمًا يا بلد

بالخير

وانت على طول كده

نسياني

وبعدين معاكى بقى

وبعدين

كل ما اكتب عنك

حكاية

واقرب منك تكسرى

مجاديفى

وناس فيكى بتقول على ولد

جاحد ليكى

امال لو ماكنش الحلم

واحد

وبعدين معاكى يا بلد

وبعدين

يعنى ابقى زى غيرى

واكسر

واحرق الحلو

فيكى

سايبه الندل يسرق

منك

كل حاجة وفاردة له

جناحاتك

وهو مستنى يا بلد

موتك

سببى الإسلام عاليا

سببى الإسلام عاليا أيها

الشامتون

وسترفرف راياته فى القريب على

أرض الحاقدين

فى القريب سيعود جيش الإسلام

مثلما كان

فى عهد الرسول والصحابه وعهد

صلاح الدين

صبرا يا أعداء الإسلام وأعداء

الدين

سيقتصر الإسلام والأقصى فى القادم

من السنين

أصلي قناوى

صعيدى وأصلى

قناوى

باكتب القصة والشعر

يا عم يا مصر اوى

من قبلى ومن قبلى

سبقنا

الخال فى سيرته الهلالية

وشعره وف غناويه

ومواويله

صعيدى وباكتب كلمتى

وبكرة بأمره

هتكبر خطوتى

صعيدى يا مصر اوى

وأصلى قناوى

ولد العم أمل الدنقى

كتب أشعار تشيب

الرأس يا محلاها

يا ترلى

صعيدى وعارف لهجتى

ولد خالنا ولد النيل

فارس الواء اسمه عبدالستار

اسمه وشعره يا جدع

جميل

عشان أصله على ومتربى

فى أحضان النيل

صعيدى

وأصلى قناوى يا مصر اوى

موال: جبل الوصال

رمى للحبائب جبل الوصال

ليهم

كرهوني من غير

سبب

ومعرفش ايه الى حصل

ليهم

وقطعوا جبل الوصال الى ممدود

بالخير ليهم

سمحوا لشياطين البشر توسوس

في عقولهم

لحد ما خلوهم يكرهوا أقرب

ما ليهم

الاسم قرايب والاسم جيران

ليهم

دول سبب الخراب الى عشش

فيهم

اه يا وجع القلوب يا خلق

منهم

فيه جيران وفيه قرايب يهدوا عشانك

الجبل عشان حبيب

ليهم

وفيه جيران وقرايب تهلك لو انت

جبل على ليهم

وعجبي

اصرخي يا عراق

اصرخي يا عراق وعلى في صرختك

وقولي لله يا عراق قولي شكوتك

اصرخي ع الي خانك وباعك

اصرخي يا عراق ع الي صابك

يا عراق ليه اتفرقوا أحبابك

وليه الحزن خيم على بابك

يا عراق عيدي أمجادك عيدي ذكرياتك

وعيدي الفرحة وعيدي انتصاراتك

يا عراق اصرخي على ولادك

يا عراق سامع صرختك سامع آهاتك

يا عراق يا بلد العلمما

ده الامريكان مرض اسمه الوبا
اصرخى يا بصرة واصرخى يا كربلاء
اصرخى على ولادك الأشقيا
اصرخ يا نهر الفرات
اصرخ فى الكفرة الطواغيت
اصرخ يا سيد الرمادى
اصرخ على الأمريكان الأعادى
اصرخ وقول انهضى يا بلادى
اصرخ ع الى اغتصبوا الحرمه والأراضى
اصرخ يا نخل يا شط العرب
اصرخ فى كل بيت فى العرب اتخرب
اصرخى يا عراق اصرخى يا حبيبة
اصرخى يا أرض المحبة والطيبة
اصرخى يا عراق وعلى فى صرختك
وقولى لله يا عراق قولى شكوتك

يحكى أن رجلا كان لا يمتلك من الدنيا إلا بيتا صغيرا وجملا يعمل عليه.

وزوجة وولدت وبتاولكن لا يمتلك أرضا تساعد في الحياة، ولكن كان يسرق من أجل
الجميل الذى يعمل عليه، فكان كل يوم يذهب بجمله إلى أرض رجل غنى جدا، وكان
يذهب بجمله يحمل عليه البرسيم في غروب الشمس، وعندما يأتى صاحب الغيط يجد أن
ما تركه من العلام الذى علمه للبرسيم ليس كما هو.

استمر الحال على هذا عدة أيام، وفي يوم أخذ صاحب الأرض بندقيته، وتوعد بقتل
السارق وكان بجوار أرضه قصب، فاخفى نفسه، وعندما جاء الرجل بجمله وأخذ ما
أخذ من البرسيم، فك الرجل عقال جملة وقال لجملة قوم من عمرنا نسرق من الغيط
لأصحاب الغيط خس زرع ولا احنا شبعنا ولا احنا أصبحنا أغنياء فسمعه صاحب
الأرض، وخرج عليه وقال له يا رجل خذ ما يكفيك للجميل.

اسلامنا

اسلامنا هو عزنا	نفديه نحن بأرواحنا
لا صوت يعلو فوق	صوت اسلامنا
مثل الجبال العالية	سيبقى في قلوبنا
اسلامنا شمس لا	تغيب عن أجسامنا
اسلامنا	اسلامنا

أحبك

أحبك يا وطني مثلما أحب الولد

وأعشقتك يا وطني مثل عشقي لام الولد

إن باعت أم الولد الحب لن أبيعك ولا الولد

أنتما لي اللؤلؤ وأنتما لي الذهب

أحبك

لأن فيك يا وطني جيشقاهر العدا

وقاهر من لم يرض لك الأمان والسلام

أحبك

لأن فيك نهرا حمل موسى الصغير

لأن فيك أما أنجبت أبا العرب

فصارت بيننا وبين بلاد الرافدين نسب

أحبك

لأن فيك شعبا يا وطني طيب الأخلاق

لأن فيك الأزهر منارة العلم والعلماء

أحبك

أحبك مثل حبي للدار الذي ولدت فيه

فلن يفارق حبي لك إلا بعد فراق الروح للجسد

أحبك

أعشق الليل

أعشق الليل لأن فيه

قمرًا جميلًا

أضواء بجماله ظلام

الليل

أعشق الليل لأن فيه نجوما

تألأ الليل

أعشق الليل لأن فيه سكينه

والهدوء

ما أجمله ليل

أعشق الليل لأن فيه شبه

من شعر ليلي

أعشق الليل لأن فيه شبه

من الكحل

الذى يجميل العين

أعشق الليل لأن فيه

قمرًا جميلاً

أضاء بجماله ظلام

الليل

بتسقى المواجه

ياللى بتسقى الناس المر وتقلب

عليهم المواجه

او عاك تنسى ان ده سلف

و دين

وبكرة على أحفادك

راجع

وعجبي

شيل زرعتك

شيل بقى على أكتافك

وبين دراعاتك

زرعتك

الزرعة اللى بترعاها ماتت

خلاص

هتفيد فى إيه دلوقتى

دمعتك

يا أبو الشهيد لملم ولم

بقى

فى الجراح

لو هتبكى عليه ليل ونهار

مش هترجع الى

منك راح

يا أبو الشهيد حملك والله

دا حمل ثقيل

ومن معاك يا أبو الشهيد في

حملك غير أمه الى تعبت فيه وراح

تشيل

وآه يا وعدى يا وعد يا مكتوب

وآه وعليها آه على حرق

القلوب

وآه يا وعد ومقدر

عليك

الزراع الجميل راح خلاص

من قدام عنيك

القلب قايد يا خلق على الزرعة

نار

يابوى على حرقه القلب ويابوى

على المرار

الساقية

يا ساقية دورى واروى الزرع

العطشان

خليه يرجع يزهره يا ساقية

المكان

الله

الله في القران قد

سماك

المزمل والمدثر وطه

ومحمد

وعيسى بشرى بك

فقال

انه سيأتى بعده رسول اسمه

أحمد

هو الرسول الكريم في الأخلاق

تفرد

وهو الرسل الوحيد الذى

اسمه في القران

تعدد

انفض تراب الذل

انفض تراب الذل

واصرخ بأعلى

صوت

لاجل م يسمعها

الكل

القدس مش هتروح

لو

هيموت عشانها

الكل

والله

والله

لو بحثت في الكون

بحاله

لن تجد مثل أخلاق الرسول

ولا ف جماله

عسل مصفى

عسل مصفى يا بلدى

إنتى عسل

مصفى

وعشان جميلة يا بلدى

وقلبك مصفى

إنتى عسل مصفى

رغم العصبية الى

فينا

بس الطيبة لسه

فينا

عشان كده إنتى يا بلدى

عسل مصفى

ولما ابعد عنك

يا بلدى

ادوق المرار وانا

متغرب

ودا شيء أكيد يا بلدى

طبعاً ومتجرب

في الصباح

في الصباح

الباكر

تغرد العصافير

بصوتها

الجميل

أنغاما وترفرف بأجنحتها

كى تستعد

لتطير

لتبحث عن طعامها

وطعام

صغارها

في النهار الطويل

(العودة)

وبعد وقت تعود لأعشاشها

فرحانة

بهذا الطعام

الجميل

وعند الغروب تغرد أيضا

أنغاما

لتودع النهار وأصدقاءها

كأنها تقول غدا

نلتقى لنبحث عن الطعام

في الصباح

الباكر أيها

العصافير

بعد المسافة

بعد المسافة عن الشعراء يزعجنى

كذلك بعدها يرهقنى ويتعبنى

ساهر الليل

يا ساهر الليل أقلل

من السهر

فقد يضرك في النوم

ويضرك في العمل

فتم دائما مبكرا

تكن نشيطا في

أي عمل

حببت القمر وعشان القمر

سهرت الليل ناديت بصوتي

العالى للى خلق الاتنين

وقلت سبحانك خلقت القمر

وخلقت الليل ونورته بالقمر

الى فوق ساكن في العالى

وعجبي

موال: موج البحر

يا بحر ليه موجك

كدا

طالع في العالى

يا بحر امتى بقى موجك

يروق ويهدالى

عشان اعدى بمركبى وامشى

في ميتك طوالى

يا بحر عايز أرمى فيك

همومى وأوجاعى

بس خايف يا بحر من موجك

العالى

يرجعها لى تانى

وعجبنى

لسه ولسه

لسه يا صاحبي فيه عقارب

وتعابين

بتلدغ وتبخ سمها في البعيد

والقريب

والكره مالى يا صاحبي

القلوب

■ ■ لو اتبسمتلك والا

ضحكتلك

البسمة والضحكة تطلع

مغشوشة

تسقيها يا صاحبي في بيتك

وبراه الحلو

تسقيك هي يا صاحبي

المر

ولا تشوفش منها

ما يسر

ولسه يا صاحبي فيه

مخلصين

تداوى بكلمة الجروح

للمجروحين

وكلامهم مطرح ما تروح كلام

يسر

تلم بكلمتها الحبايب

ولا تفرقش

لو طال قعادهـا في مجلس

مهـما طال

النفوس والقلوب منها

ما تتعبش

وتسقيك في بيتها وبراه

الحلو

وبسمتها وضحكتها حلوة

تسر

لون الوشوش

ليه الوشوش صبحت يا بشر

متغيرة

والضحكة الرقيقة عنها

غابت

وصبحت كده غريبة

ومعكرة

مش هي دى الوشوش يا بشر

الى كانت عليها الضحكة

منورة

الوشوش دى بقى عليها مليون

علامة والعلامة صبحت

محيرة

يا هل ترى ايه الى جرى وغير

الوشوش والقلوب؟

لا الوشوش هي الوشوش

ولا القلوب

هي القلوب الى كانت

بالحب متعمرة

حتى وشوش الى

ساكنين حدايا

ومعايا يا بشر صبحت

متغيرة

يا هل ترى ايه الى

جرى

الفهرس

بطاقة فهرسة	2
راسملك	4
أقوال	6
صيد عصافير	7
بالأمس يا عراق	9
آه يا دنيا يا دنيا آه	12
القلم	16
أيها الأموات	17
احسبها	18
اغرس	20
القاسي القلب	22
يا قدس ما تحزنير	24
يا أقص	25
الرحمة والسلام	26
اسأل تراب رجلك	30
حدثهم	33
اشيل همك	34
، يبقى الإسلام عاليا	37
أصلى قناوى	38

40	موال: حبل الوصال
42	أصرخى يا ءاق
45	اسلامند
46	أحبك
48	أعشق الليل
50	بتسقى المواجه
51	شيل زرعتك
54	الساقية
55	الله
56	انفض تراب الذل
57	والله
58	عسل مصفى
60	في الصباح
62	بعد المسافة
63	ساهر الليل
65	موال: موج البحر
66	لسه ولسه
69	لون الوشوش
71	الفهرس